

## **Nassuiaatit nalinginnaasut**

Inuiaqatigiit aaqqissugaanerat pillugu iliuusissatut pilersaarutip ingerlateqqinnerani anguniagassat immikkoortuisa ilaasa pingaarutillit ilagaat, Namminersornerullutik Oqartussat ingerlatseqatigiiffinnik pigisaqarunnaasasoq, niuernikkut tunngavineqartut namminersortunit ingerlanneqarsinnaaffianni, ingerlatseqatigiiffinnullu imigassanik aalakoornartortalinnik nioqquteqarsinnaanermut/sassaallersinnaanermut akuersissummik pissarsisunut piumasaaqatit sakkukillineqarnissaat suliarineqassasoq. Sakkukilliinerit isumagineqassapput qularnaarumallugu imigassanik aalakoornartortalinnik nioqquteqartarneq sassaallertarnerlu pillugit maleruagassat aporfissalersuinnginnissaat suliffeqarfiit pisortanit oqartussaasunit pineqartut tamakkiisumik ilaannakortumilluunniit namminersortunit pigisassanngortiortorneqarneranni.

Siunissami piginnittuunissamut tunngasut Inatsisartuni suliarinninneranni imigassaq pillugu inatsit aporfissalersuisuusariaqanngitsoq oqaatigineqarpoq. Taamaattumik taama malittarisassatigut aqutsineq imigassaq pillugu inatsisiniittariaqanngilaq. Maleruagassanik sakkukillisaanikkut periarfissaqalissaaq nioqqutissanik ataasiakkaarlugit nioqquteqarfinni arlalinnik imminnut atasunik suleqatigiittunillu pisiniarfinni aamma nioqqutissanik amerlasuukkaarlugit nioqquteqartartut imigassanik aalakoornartortalinnik nioqquteqartartut, ingerlatseqatigiiffinnik imigassanik aalakoornartortalinnik nioqquteqartartuni piginneqataassutsit ilaannik pigisaqalersinnaanerat.

Sakkukilliinerit taamaallaat imigassanik aalakoornartortalinnik nioqquteqarsinnaanermut tunngapput. Sassaallertarneq pillugu killiliissutit atuutsiinnarneqarput, taamaattoq sanioqqutsisinnaanissamut periarfissat maannakkumut atuuttut atuutsiinnarneqarput.

Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaata nr. 11, 11. november 2000-imeersup akuersissutigineqareerneratigut paasineqarpoq nioqqutissanik ataasiakkaarlugit nioqquteqarfiit pisiniarfiit aamma nioqqutissanik amerlasuukkaarlugit nioqquteqartartut tamarmik imaluunniit nioqqutissanik ataasiakkaarlugit nioqquteqarfiit pisiniarfiit kisimik pineqarnersut nalornissutissartaqartoq. Atuisartunut nioqquteqarnerup sassaallertarnerullu iluarsisuteqarfiginiarlugit maleruagassiuunneqarnissaa inatsisip siunertarimmagu inatsimmi tassani nioqqutissanik amerlasuukkaarlugit nioqquteqarfiit pillugit iluarsisuteqarnissamut maleruagassat ilanngunneqanngillat.

§ 1-imi allannguut nunatsinni ingerlatseqatigiiffinnut imigassanik aalakoornartortalinnik amerlasuukkaarlugit nioqquteqartarfinnut tamatumalu peqatigisaanik nioqqutissanik ataasiakkaarlugit nioqquteqarneq ajortunut ikittuinnaasunut taamaallaat sunniuteqassaaq. Soorlu assersuutigalugu Nuuk Imeq A/S-imut.

Inatsisartut Ombudsmandiata ilanngullugu tikkuarsimavaa inatsit annikitsuaqqatigut amigaateqartoq. Allannguutissatut siunnersuummi aalajangersakkat allat amigaatinut taakkununga iluarsiiisutaapput.

Inatsisissatut siunnersuut aningaasat tungaasigut kinguneqassanngitsoq naatsorsuutigineqarpoq.

Allaffissornikkut ingerlatsinermut tunngatillugu annikitsuaraannarnik kinguneqassaaq, kisiannili inerteqquteqaataasoq ataaseq sanioqqutsinissamullu periarfissiisummut atasooq peerneqarpoq, tamannalu allaffissornikkut ingerlatsinermut pisariillisaataaginnassaaq.

Inatsisissatut siunnersuut pisortaqaarfinnut tamanut Naalackersuisuulu Allattoqarfiannut tusarniaassutigineqarnikuuvoq

.

## **Aalajangersakkanut ataasiakkaanut nassuiaatit**

### § 1-imut

Nr. 1-imut.

Allannguutikkut ersarissitinneqarpoq nioqqutissanik ataasiakkaarlugit nioqquteqarfiit pisiniarfiit inatsimmi kisimik pineqartut. Imigassanik aalakoornartortalinnik amerlasuukkaarlugit nioqquteqarfiit inatsimmi tassani iluarsiiisuteqarfigalugit maleruagassiuunneqanngillat.

Nr. 2-mut.

Allannguneq oqaasertalerneranut tunngavoq oqaasertai ersarissinniarlugit.

Nr. 3-mut.

Aalajangersagaq inatsisartut inatsisaanni maannakkut atuuttumi aalajangersakkamik ingerlatitseqqinneruvoq. Susassaqaarfimmi naligiinnik atugassaqaartitaalluni unammilleqatigiissinnaanerup ajoqusiivigineqannginnissaa aalajangersakkap siunertaraa. Pisortat oqartussat suliffeqaarfinnik pigisaanik tamakkiisumik ilaannakortumilluunniit namminersortunut pigisassaangortitsinissaq akornuserumanagu aalajangersagaq killilerneqarpoq aatsaat atuuttussanngorlugu sassaallersinnaanermut imigassanik aalakoornartortalinnik nioqquteqarsinnaanermut/sassaallersin-naanermut akuersisummik tunineqarnissaq kissaatigineqaraangat.

Nr. 4-mut.

Aalajangersagaq inatsisartut inatsisaanni maannakkut atuuttumi aalajangersakkamik ingerlatitseqqinneruvoq. Susassaqaarfimmi naligiinnik atugassaqaartitaalluni

unammilleqatigiissinnaanerup ajoqusiivigineqannginnissaa aalajangersakkap siunertaraa. Pisortat oqartussat suliffeqarfinnik pigisaanik tamakkiisumik ilaannakortumilluunniit namminersortunut pigisassaangortitsinissaq akornuserumanagu aalajangersagaq killilerneqarpoq aatsaat atuuttussanngorlugu sassaallersinnaanermut imigassanik aalakoornartortalinnik nioqquteqarsinnaanermut/sassaallersin-naanermut akuersisummik tunineqarnissaq kissaatigineqaraangat.

Nr. 5-imut.

Aalajangersagaq inatsisartut inatsisaanni maannakkut atuuttumi aalajangersakkamik ingerlatitseqqinneruvoq. Susassaqarfimmi naligiinnik atugassaqartitaalluni unammilleqatigiissinnaanerup ajoqusiivigineqannginnissaa aalajangersakkap siunertaraa. Pisortat oqartussat suliffeqarfinnik pigisaanik tamakkiisumik ilaannakortumilluunniit namminersortunut pigisassaangortitsinissaq akornuserumanagu aalajangersagaq killilerneqarpoq aatsaat atuuttussanngorlugu sassaallersinnaanermut imigassanik aalakoornartortalinnik nioqquteqarsinnaanermut/sassaallersin-naanermut akuersisummik tunineqarnissaq kissaatigineqaraangat.

Nr. 6-imut.

Allannguut Inatsisartut ukiakkut 2000-imi ataatsimiinneranni oqaluuserinninnerannut atatillugu inatsisissatut siunnersuutip saqqummiunneqaqqaartup § 11, imm. 3-ata peerneqarnissaa pillugu allannguutissatut siunnersuutip siunertarineqanngikkaluartumik kingunerisaanik eqqunngitsumik innersuussummut iluarsineruvoq.

Nr. 7-mut.

Allannguut Inatsisartut ukiakkut 2000-imi ataatsimiinneranni oqaluuserinninnerannut atatillugu inatsisissatut siunnersuutip saqqummiunneqaqqaartup § 12, imm. 3-ata peerneqarnissaa pillugu allannguutissatut siunnersuutip siunertarineqanngikkaluartumik kingunerisaanik eqqunngitsumik innersuussummut iluarsineruvoq.

Nr. 8-mut.

Allannguut innersuussamut kukkusumut iluarsineruvoq.

§ 2-mut

Inatsisartut inatsisaat 1. juni 2001 atortuulerpoq.